

Terms and Conditions

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100



Und der herre redt zu moysen. sagēd. Mach dir zwey gegosne silbrin hörner. in dē du machest zu samē ruffen die menig. so sy sein zubewegē die herbergē. Vñ so du dōnest mit dē hörnern als le die geselschafft dy werd gesamēt zu der türe des tabernackels des gelübds. Ob du zu ei mal erschelst. die fürstē vñ dy haubt d menig israhel die kōmen zu dir. Dōnet er aber langksamer. vñ der klangk wirdt vnderscheydner. die da sein gegen dē auffgang. die bewegent die herbergen. Wan in dē andern don. vñ in dē gleychen don des horēs hebēt auff die gezeldt. die da wonen zu mittētag. vñ in d weyß thun die andern in d aufgeeung so sy dōnet mit dē hörnern. Wan so dz volck ist gesamēt. so wirdt ei einfaltiger klāge der hörner. vñ dōnē mit vndschydenlich. Vñ die sun aaron des priesters. dy dōnē mit dē hörnern. vñ ditz wirdt ei ewig ee i ewerē geschlechten. Ob ir aufgeet vō ewerm land zu dē streyt. wid dy feind dy da kriegē wid euch. so singt mit dē heerhörnern. vñ dy gedechtnus ewer wirdt vor ewerm herre got. vñ ir werdt erldst von dē hēdē ewer feinde. Ob ir etwan̄ habt ei speis od höhzeitlich tag vñ feiret. so siget mit dē hörnern vber die gätzē opfer. vñ vber dy fridsamē opfer dz sy euch sei zu einer gedēckung ewers gotz. Ich bin d herz ewer got. In dē andern iar. in dem an oern monet. an dē. xx. tag des moneds. da ward dy wolckē aufgehabe vō dē tabernackel des gelübds. Vñ die sun israhel giengē auß durch ir

schar vō der wüst synai. vñ dy wolcken ruet in d eynōd pharon. vñ dy sun iuda dy bewegte zum erste dy herbergē durch ir schar nach dē gebot des herre. durch die hand moysi. d fürst was na ason d sun amminadab. Matanael d sun suar was ei fürst vnder dē geschlecht d sun ysachar. Eliab d sun belon woz ei fürst vnd dē geschlecht zabulon. Vñ d tabernackel ward abgelegt. die sun gerson vñ merari dy in trugē. dy giengē auß Vñ auch die sun rubē. giengē durch ir schar. vñ durch iren orden. Der fürst was elizur der sun sedeur. Vñ salamiel der sun surisadday. was d fürst vnder dē geschlecht d sun symeons. wann eliasaph der sun ducl. was eyn fürst vnder dem geschlecht gad. vñ die caathiter dy trugē auch dy heyligkeit. als lang der tabernackel ward getragē. vntz das sy kōmē zu der stat der anfrichtung. Vnd die sun effraim die bewegte dy herbergē durch ir schar. vnder der heer was d fürst elisama d sun ammiud. vñ gamaliel der sun phadassur. woz ein fürst vnder dē geschlecht der sun manasse. vnd abidan der sun gedeons. was eyn fürst vnder dem geschlecht beniamin zu iungst d herbergē aller giengē auß die sun dan durch ir schar. vnder der heer woz d fürst abiezzer. d sun ammisadday. Vñ phagiel der sun ochran woz ein fürst vnd dē geschlecht d sun azer. vñ ahira der sun henan. was ein fürst vnd dē geschlecht der sun neptalim. Ditz seyn die herbergē vñ dy aufgeeng d sun israhel. da sy aufgiengē durch ir schar. Vñ moyses sprach zu hobab dem sun